

# ÑAXAN BA JUN TSA' BA I TS'IJBU PEDRO

*Jun cha'an jini pam pujquemo' b<sub>A</sub> ochemo' b<sub>A</sub> ti'  
t'an Dios*

<sup>1</sup> Joñon Pedrojon. Yajc<sub>A</sub>bilon b<sub>A</sub> ajsubt'an ñumel i cha'an b<sub>A</sub> Jesucristo. Mic ts'ijbubeñetla pujquemetla ti chumty<sub>A</sub>l ti yamb<sub>A</sub> pañimil tyac Ponto, Galacia, Capadocia, Asia yic'ot Bitinia mach'<sub>A</sub> yoque la' lumalic.

<sup>2</sup> Dios lac Tyat ti yajc<sub>A</sub>yetla cha'an mi la' ch'ujbin che' bajche' ti' w<sub>A</sub> ña'ty<sub>A</sub> c'<sub>A</sub>l<sub>A</sub> ti ñoj oniyix. Cha'an ti Ch'ujul b<sub>A</sub> i Ch'ujlel ti yajc<sub>A</sub>yetla cha'an mi la' wajñel ti i cha'añetla cha'an mi la' ch'ujbiben i t'an yic'ot cha'an mi la' s<sub>A</sub>c is<sub>A</sub>ntyel ti i ch'ich'el Jesucristo. La' bej oq'uisc<sub>A</sub>bentiquetla i yutslel yic'ot i ñach'ty<sub>A</sub>lel la' pusic'al ti lac Ýum Jesucristo.

## *Jini mu' b<sub>A</sub> lac bej pijtyan*

<sup>3</sup> La' lac sube' i ñucel Dios i tyat lac Yum Jesucristo. Cha'an ti' cab<sub>A</sub>l p'unty<sub>A</sub>yonla ti y<sub>A</sub>q'ueyonla lac cha' ch'oc an yubil cha'an ti cha' tyejchi loq'uel Jesucristo ba'an sajtyemo' b<sub>A</sub>. Jiñ<sub>A</sub>ch mi y<sub>A</sub>q'ueñonla lac pijtyan cha'an mi quej i tyejchonla loq'uel ba'an sajtyemo' b<sub>A</sub> je'el.

<sup>4</sup> Dios mi quej i y<sub>A</sub>q'ueñetla jini ñoj wen b<sub>A</sub> w<sub>A</sub> lotyol b<sub>A</sub> yic'ot ti panchan. Mach ch'ujbi i jis<sub>A</sub>ntyel. Mach ch'ujbi i bibi's<sub>A</sub>ntyel. Mach ch'ujbi i tsuculiwel che' bajche' i nich pimel.

**5** Cha'an ch<sub>λ</sub>ncol la' ch'ujbin Dios mi' c<sub>λ</sub>ñ<sub>λ</sub>tyañetla cha'an ti i p'<sub>λ</sub>ty<sub>λ</sub>lel c'<sub>λ</sub>l<sub>λ</sub> jintyo mi ts'<sub>λ</sub>ctiyel la' coty<sub>λ</sub>ntyel am b<sub>λ</sub> la' cha'an wale. Jiñ<sub>λ</sub>ch ya' b<sub>λ</sub> w<sub>λ</sub> chajp<sub>λ</sub>bil mu' b<sub>λ</sub> quej i y<sub>λ</sub>q'<sub>λ</sub>ueñetla ti jini cojix b<sub>λ</sub> q'uin.

**6** Jin cha'an wen c'ajacña la' woj mi la' wubin aunque wersa mi la' poj ñusan ti chajp ti chajp la' wocol wale iliyi.

**7** Ti la' wilpusic'lentyel ti wocol mu' b<sub>λ</sub> la' cuche' ti wen mi tsictiyel mi xuc'ul<sub>λ</sub>ch mi la' ch'ujbin che' bajche' mi tsictiyel mi yoq'ue oroj<sub>λ</sub>ch jini oro che' mi ticewis<sub>λ</sub>ntyel ti c'ajc. Pero oro mi quejel i jilel. Más c'<sub>λ</sub>jnibal che' xuc'ul mi la' ch'ujbin bajche' i c'<sub>λ</sub>jnibal oro. Che' tsa'ix tsictiyi mi xuc'ul<sub>λ</sub>ch mi la' ch'ujbin mi quej i sujbel weñ<sub>λ</sub>ch ti la' ch'ujbi. Mi quej la w<sub>λ</sub>q'<sub>λ</sub>uentyel la' ñuclel yic'ot mi quej la' q'uejlel ti ñuc che' mi tsictiyel Jesucristo.

**8** Aunque max tyo ti la' wil<sub>λ</sub> Jesucristo ti la' wut, pero mi la' p'untyan. Mi la' ch'ujbin aunque mach'an mi la' wilan. Pero mach ch'ujbi la c<sub>λ</sub>l bajche' c'amel i tijicñ<sub>λ</sub>yel la' pusic'al cha'an ti la' ch'ujbi Jesucristo.

**9** Ñoj c'ajacña la' woj mi la' wubin che' ch<sub>λ</sub>ncox i ts'<sub>λ</sub>ctis<sub>λ</sub>ntyel majlel la' coty<sub>λ</sub>ntyel cha'an ti la' ch'ujbi.

**10** Ti ñoj oniyix jini tsa' b<sub>λ</sub> i xiq'ui y<sub>λ</sub>le' Dios ti' bej jop'o i ña'tyan i sujmllel cha'an laj coty<sub>λ</sub>ntyel. Ti' w<sub>λ</sub> subeyob i b<sub>λ</sub> cha'an la' coty<sub>λ</sub>ntyel mu' b<sub>λ</sub> i y<sub>λ</sub>q'<sub>λ</sub>ueñetla Dios ti i yutslel.

**11** Jini Ch'ujul b<sub>λ</sub> i Ch'ujlel Cristo ti y<sub>λ</sub>q'<sub>λ</sub>ueyob i w<sub>λ</sub> ña'tyan jini tsa' b<sub>λ</sub> i xiq'ui i y<sub>λ</sub>le' Dios cha'an mi quej i ñusan wocol jini yajc<sub>λ</sub>bil b<sub>λ</sub> i cha'an Dios. Ti' w<sub>λ</sub>

ñā'tyʌyob cha'an i ñuclel jini yajcʌbil bʌ mu' bʌ quej i tsicityel ti wi'il tyo. Ti' c'ʌmbentiyob i ti', pero ti' jop'oyob i ña'tyan majchqui jini mu' bʌ quej i ñusan wocol yic'ot baqui bʌ ora mi quej i yujtyel jini tsa' bʌ wʌ pʌs'entiyob cha'an ti jini Ch'ujul bʌ i Ch'ujlel.

<sup>12</sup> Pero Dios ti yʌq'ueyob i ña'tyan jini tsa' bʌ i xiq'ui i yʌle' Dios cha'an mach i bajñel i cha'añobic jini t'an tsa' bʌ wʌ alʌyob. Pero ti wi'il tyo joñonla mi quej lac ña'tyan. Wale jiñʌch jini t'an cha'an laj cotyʌntyel chʌncol bʌ la' subentyel ti jini tsa' bʌ i cha'leyob subt'an cha'an ti' p'ʌtyʌlel Ch'ujul bʌ i Ch'ujlel Dios tsa' bʌ chojqui tyʌlel ti panchan. Jini ajtropheñelob i cha'an Dios ch'oyolob ti panchan wersa yom i ch'ʌm'eñob i sujmlel je'el.

### *Dios yom i pʌyonla la cajñel ti ch'ujul*

<sup>13</sup> Jin cha'an wen ña'tyanla chʌ bʌ mi quej la' cha'len. Ajñenla ti xuc'ul. Wen pijtyanla mu' bʌ i yʌq'ueñetla Dios ti i yutslel ya' bʌ mi tsictiyel Jesucristo.

<sup>14</sup> Yom ajniquetla che' bajche' yalobilob mu' bʌ i wen jac' t'an. Mach yom mi la' bele' mele' chʌ bʌ ti bajñel mulʌ i cha'len la' pusic'al che' max tyo ti la' cʌñʌ Dios.

<sup>15</sup> Pero yom mi la' wajñel ti ch'ujul ti pejtyelel la' cha'libal como ch'ujul Dios tsa' bʌ i pʌyʌyetla.

<sup>16</sup> Jini Ts'ijbubil bʌ i T'an Dios mi yʌl: Ajñenla ti ch'ujul como ch'ujulon, che'en.

<sup>17</sup> Mi chʌncol la' wʌl ti la' tyat Dios mu' bʌ quej i melonla ti junlajal yom mi la' bej bʌc'ñan Dios che' wʌ tyo añetla wʌ ti mulawil.

<sup>18</sup> Como Dios ti' mʌñʌyetla loq'uel ti jini mach'ʌ wen ya' ba' ti ajniyetla ti yambʌ ora che' bajche'

ti la' c<sub>λ</sub>ñ<sub>λ</sub> la' wajñel ti la' yumob ti oniyix. Wen la' wujil isujm mach m<sub>λ</sub>mbileticla cha'an ti jini mu' b<sub>λ</sub> i jilel che' bajche' mi ti oro o mi ti s<sub>λ</sub>s<sub>λ</sub>c b<sub>λ</sub> tyaq'uin.

<sup>19</sup> Pero m<sub>λ</sub>mbiletla cha'an ti ñoj wen b<sub>λ</sub> i ch'ich'el Cristo tsa' b<sub>λ</sub> y<sub>λ</sub>c' i b<sub>λ</sub> ti sajtyel che' bajche' jun-cojt tiñ<sub>λ</sub>me' ñoj ts'<sub>λ</sub>c<sub>λ</sub>l b<sub>λ</sub>, mach'<sub>λ</sub> ba'an i c'am'an, mach'<sub>λ</sub> ba'an i lojwel.

<sup>20</sup> Ti w<sub>λ</sub> ñia'ty<sub>λ</sub>nti che' max tyo ti mejli ili mulawil cha'an Cristo mi quej i y<sub>λ</sub>c' i b<sub>λ</sub> cha'an laj coty<sub>λ</sub>ntyel. Pero ti ty<sub>λ</sub>li ti ili wi'ilix b<sub>λ</sub> q'uin cha'an lac wenlel.

<sup>21</sup> Mi la' ch'ujbin Dios cha'an ti Cristo tsa' b<sub>λ</sub> i tyejchis<sub>λ</sub> loq'uel ba'an sajtyemo' b<sub>λ</sub>. Tsa'ix i y<sub>λ</sub>q'ue Cristo i ñucel. Jin cha'an tsa'ix la' ch'ujbi Dios. Mi la' pijyan mu' b<sub>λ</sub> i y<sub>λ</sub>q'ueñonla Dios.

<sup>22</sup> Wale iliyi cha'an ti la' ch'ujbibe jini melel b<sub>λ</sub> t'an cha'an ti jini Ch'ujul b<sub>λ</sub> i Ch'ujlel Dios tsa'ix s<sub>λ</sub>c is<sub>λ</sub>nti la' pusic'al cha'an mi la' yoque p'untyan hermañujob ti melel b<sub>λ</sub> p'untyaya. Yom mi la' wen p'untyan la' b<sub>λ</sub> ti pejtyelet la' pusic'al yic'ot ti pejtyelet la' p'<sub>λ</sub>ty<sub>λ</sub>lel.

<sup>23</sup> Tsa'ix cha' ch'oc'<sub>λ</sub>yetla yubil. Mach'an ti cha' ch'oc'<sub>λ</sub>yetla cha'an ti la' tyat la' ña' mu' b<sub>λ</sub> i sajtyel. Pero ti cha' ch'oc'<sub>λ</sub>yetla cha'an ti cucul b<sub>λ</sub> i t'an Dios. Jini t'an mi yajñel ti bele' ora.

<sup>24</sup> Como jini Ts'ijbubuil b<sub>λ</sub> i T'an Dios mi y<sub>λ</sub>le': Pejtyelet quixtyañujob lajal jach bajche' pimel. I ñucel quixtyañujob lajal bajche' i ñucel i nich pimel.

Mi ty<sub>λ</sub>quin jini pimel. Mi p'ajtyel i nich.

<sup>25</sup> Pero i t'an lac Yum mi yajñel ti bele' ora.

Che' mi y<sup>ale</sup>' ti Ts'ijbubil b<sup>λ</sup> i T'an Dios. Jiñ<sup>λ</sup>ch jini t'an cha'an laj coto<sup>λ</sup>ntyel tsa'ix b<sup>λ</sup> subentiyetla.

## 2

<sup>1</sup> Jin cha'an c<sup>λ</sup>yla ti pejtyelet la' simaronlel, ti pejtyelet la' lot yic'ot i cha'chajplel b<sup>λ</sup> la' pen-sal yic'ot che' an mich'lel cha'an i wenlel yamb<sup>λ</sup> quixtya<sup>ñ</sup>u yic'ot pejtyelet jop't'an.

<sup>2-3</sup> Yom mi la' wersa c'ajtin y<sup>alo</sup> i t'an jach b<sup>λ</sup> Dios che' bajche' mi' c'ajtin i chu' ch'oc al<sup>λ</sup>l cha'an mi la' p'<sup>λ</sup>ty<sup>λ</sup>liyel majlel cha'an la' coto<sup>λ</sup>ntyel che' tsa'ix la' yoque c<sup>λ</sup>ñ<sup>λ</sup> cha'an weñ<sup>λ</sup>ch lac Yum.

### *Cristo che' bajche' cuxul b<sup>λ</sup> tyun*

<sup>4</sup> L<sup>ac</sup>'<sup>λ</sup>la cha'an mi la' más c<sup>λ</sup>ñe' lac Yum jini cuxul b<sup>λ</sup> tyun yubil. Jiñ<sup>λ</sup>ch jini tyun tsa' b<sup>λ</sup> i choco quixtya<sup>ñ</sup>ujob. Pero jiñ<sup>λ</sup>ch jini tyun tsa' b<sup>λ</sup> i yajc<sup>λ</sup> Dios. Mi' q'uel ti ñuc b<sup>λ</sup> i c'<sup>λ</sup>jnibal.

<sup>5</sup> Jatyeta je'el la' i c'<sup>λ</sup>ñetla Dios che' bajche' mi cuxul b<sup>λ</sup> tyuñetla cha'an mi la' wajñel ti jump'ej b<sup>λ</sup> i templojetla Dios yic'ot cha'an mi la' wajñel ti junmujch' curajetla i cha'an b<sup>λ</sup> Dios. Cha'an ti Jesucristo mi la' w<sup>λ</sup>q'uen Dios i majtyan mu' b<sup>λ</sup> i mulan.

<sup>6</sup> Jin cha'an ti Ts'ujbubil b<sup>λ</sup> i T'an Dios mi y<sup>al</sup>: Ya' ti Sión mic wa'choco juntiquil che' bajche' ñuc b<sup>λ</sup> tyun am b<sup>λ</sup> i c'<sup>λ</sup>jnibal mu' b<sup>λ</sup> i yajñel ti i xujc' templo yubil. Yajc<sup>λ</sup>bil jini tyun. Ñuc i c'<sup>λ</sup>jnibal je'el.

Jini mu' b<sup>λ</sup> i ch'ujbin mach'an mi quej i quisnin.

<sup>7</sup> Cha'añetla mu' b<sup>λ</sup> la' ch'ujbin, ñuc i c'<sup>λ</sup>jnibal jini tyun. Pero cha'an jini mach'<sup>λ</sup> ba'an mi' ch'ujbin, mi ts'<sup>λ</sup>ctiyel jini w<sup>λ</sup> ts'ijbubil b<sup>λ</sup> ba' mi y<sup>ale</sup>:

Jini tyun tsa' b<sub>Λ</sub> i chocoyob xmel otyot  
tsa'ix ochi ti más ñuc b<sub>Λ</sub> i c'<sub>Δ</sub>jnibal.  
Che' mi y<sub>Λ</sub>le'.

<sup>8</sup> Mi ts'<sub>Δ</sub>ctiyel jini w<sub>Λ</sub> albil b<sub>Λ</sub> i t'an Dios:  
Jiñ<sub>Λ</sub>ch jini tyun ba' mi' jats'ob i yoc. Ti caj jini tyun  
mi quej i yajlelob,  
che'en. Como ti' jats'<sub>Δ</sub>yob i yoc yubil che' bajche'  
ti w<sub>Λ</sub> ña'ty<sub>Λ</sub>nti che' mach'an ti' ch'ujbiyob jini t'an  
cha'an laj coty<sub>Λ</sub>ntyel.

### *Jini i cha'año' b<sub>Λ</sub> Dios*

<sup>9</sup> Pero mach che'iqui añetla. Pero jatyetla  
yajc<sub>Λ</sub>bil b<sub>Λ</sub> junmujch' quixtyañujetla tsa' b<sub>Λ</sub>  
yajc<sub>Λ</sub>yetla Dios. I curajethla jini mu' b<sub>Λ</sub> la' cha'liben  
i toñel ñuc b<sub>Λ</sub> yum<sub>Λ</sub>l. Junmujch' quixtyañujetla  
tsa' b<sub>Λ</sub> la' w<sub>Λ</sub>c'<sub>Λ</sub> la' b<sub>Λ</sub> ti Dios. I cha'añetla Dios.  
Cha'<sub>Λ</sub>ch ti yajc<sub>Λ</sub>ntiyetla cha'an mi la' tsictisan ñuc  
b<sub>Λ</sub> i cha'libal Dios. Ti' p<sub>Λ</sub>y<sub>Λ</sub>yetla loq'uel ti ic't'oñal  
cha'an mi la' wajñel ti ñoj ñuc b<sub>Λ</sub> i s<sub>Λ</sub>clel Dios.

<sup>10</sup> Ti oniyi ma'ix ti ajniyetla ti i cha'añetla Dios  
pero wale iliyi i cha'añetla Dios. Ti yamb<sub>Λ</sub> ora  
mach'an ti la' tyajbe i yutslel Dios, pero wale iliyi  
tsa'ix la' tyajbe i yutslel.

### *Cha'libenla i troñel Dios*

<sup>11</sup> P'unty<sub>Λ</sub>bilet b<sub>Λ</sub> la hermañujob, mij  
c'ajtibeñetla ti wocol t'an cha'an mach'an mi la'  
mele' ch<sub>Λ</sub> b<sub>Λ</sub> mi' mulan i bajñel la' pusic'al mu' b<sub>Λ</sub> i  
cha'len contrajiya ti la' pusic'al. Como mach w<sub>Λ</sub>'ic  
an la' lumal w<sub>Λ</sub>' ti mulawil.

<sup>12</sup> Ajñenla ti tyoj ti' tyojlel jini mach'<sub>Λ</sub> ba'an mi'  
c<sub>Λ</sub>ñob Dios. Che' jini aunque mi' cha'len t'an ti la'  
contra che' bajche' mi lolon al simaroñetla, pero  
mi quej i yilan jini wen b<sub>Λ</sub> la' cha'libal. Mi quej i

sub i ñuclel Dios cha'an ti caj jatyetla ti i yorojlel melojel.

**13** Cha'an ti caj lac Yum, ac'Λ la' bΛ ti' wenta ti pejtyelet año' bΛ ye'tyel tsa'ix bΛ wa'choconti ti quixtyañujob. Ac'Λ la' bΛ ti' wenta jini más ñuc bΛ yumΛ como ñuc i ye'tyel.

**14** Ac'Λ la' bΛ ti' wenta jini año' bΛ ñuc bΛ i ye'tyel mu' bΛ i choc tyΛlel am bΛ ye'tyel cha'an i yΛq'uen i xot' i mul jini mu' bΛ i cha'len simaronlel. An ti' wenta año' bΛ ñuc bΛ ye'tyel je'el cha'an mi' sub i ñuclel jini mu' bΛ i cha'leñob chΛ bΛ wen.

**15** Como yom Dios cha'an ti wen bΛ la' cha'libal mi la' ñΛch'tyΛsΛbeñob jini mach'Λ ba'an mi' ña'tyañob yic'ot tonto bΛ quixtyañujob.

**16** Ajñenla ti la' librejlel che' ma'ix chuculetla ti mulil, pero mach yom mi la' lolon cha'len mach bΛ wen bΛ cha'an ti caj libre añetla. Ajñenla ti wen che' bajche' ajtroñelet jach la i cha'an Dios.

**17** Q'uelela ti ñuc ti pejtyelet quixtyañujob. P'untyañob la quermañujob. BΛc'ñanla Dios. Q'uele ti ñuc jini am bΛ más ñuc bΛ ye'tyel.

### *Cristo ti' pΛsΛ bajche'yom mi lac ñusan wocol*

**18** Ajtroñeletob, ch'ujbibenla i t'an la' yum wΛ' ti mulawil. Q'uelela ti ñuc. Mach i bajñelic yom mi la' q'uel ti ñuc jini weño' bΛ yic'ot uts bΛ la' wic'ot, pero q'uele ti ñuc je'el jini simaron bΛ la' yum.

**19** Cha'an ti caj la com lac mel chΛ bΛ yom Dios mi laj cuch ti wen lac wocol che' ma'ix lac mul. WeñΛch mi' q'uelonla Dios.

**20** Pero mi ti caj la' simaronlel mi la' xot' la' mul, ¿am ba la' ñuclel che' mi la' cuch ti wen jini wocol?

Mach'an. Pero mi ti ñ<sup>l</sup>ach' al ti la' ñus<sup>l</sup>wocol cha'an ti caj wen b<sup>l</sup>a ti la' cha'le, weñ<sup>l</sup>ach mi' q'ueletla Dios.

<sup>21</sup> Dios ti' p<sup>l</sup>ayyetla la' ñusan wocol. Cha'ch ti' ñus<sup>l</sup>wocol Cristo cha'añetla. Ti' p<sup>l</sup>sbeyetla bajche' yom mi la' ñusan cha'an cha'ch lajal mi la' ñusan je'el.

<sup>22</sup> Mach'an ti' saj cha'le mulil Cristo. Ma'ix ba' b<sup>l</sup>a ora ti' loti quixtyañujob.

<sup>23</sup> Che' ñac ti wajlenti mach'an ti' q'uexty<sup>l</sup>be t'an. Che' ñac ti y<sup>l</sup>aq'ueyob i ñusan wocol mach'an ti' b<sup>l</sup>ac'tis<sup>l</sup>yob. Pero ti y<sup>l</sup>ac' l i b<sup>l</sup>a ti' c'ab Dios mu' b<sup>l</sup>a i cha'len tyoj b<sup>l</sup>a melojoel.

<sup>24</sup> Cristo i bajñel ti' ch'<sup>l</sup>am<sup>l</sup> ti' wenta i xot' lac mul ti cruz cha'añonla. Che' bajche' tsa'ix sajtiyonla cha'an ma'ix mi lac bej cha'len mulil. Cha'an cuxulonla mi la cajñel ti tyoj. Cha'an ti' ñus<sup>l</sup>wocol ti' lajmis<sup>l</sup>yonla.

<sup>25</sup> Como jatyetla ti ajniyetla che' bajche' tiñ<sup>l</sup>ame' tsa' b<sup>l</sup>a i s<sup>l</sup>aty<sup>l</sup>yob i bijlel. [Tiñ<sup>l</sup>ame' yom i y<sup>l</sup>ale' oveja.] Pero wale iliyi tsa'ix la' sutqui la' b<sup>l</sup>a ba'an Cristo. Jini mi' c<sup>l</sup>añ<sup>l</sup>tyañetla che' bajche' ajc<sup>l</sup>añ<sup>l</sup>tya tiñ<sup>l</sup>ame'. Mi' ch'<sup>l</sup>am ti' wenta la' pusic'al.

### 3

#### *Bajche' yom i yajñel jini ñujp'uñejemix b<sup>l</sup>a*

<sup>1</sup> Ch<sup>l</sup>añ<sup>l</sup>ach je'el x'ixiquet b<sup>l</sup>a la am b<sup>l</sup>a la' ñoxi'al, ac'<sup>l</sup> la' b<sup>l</sup>a ti' bajñel wenta la' ñoxi'al cha'an mi an jini max tyo ba'an mi' ch'ujbin i t'an Dios cha'an ch'ujbi i ch'ujbin che' mi' q'uel bajche' mi la' wajñel. Mach c'<sup>l</sup>añ<sup>l</sup> mi la' suben i t'an Dios

<sup>2</sup> como mi quej i yilan tyoj b<sup>l</sup>a la' cha'libal yic'ot ch<sup>l</sup>ancol la' q'uele' ti ñuc la' ñoxi'al.

**3** Mach yom c'otyajetla cha'an jach mi la' wen ch'äl la' jol, mi cha'anic mi la' xoj cabäl ora mi cha'anic ñoj wen tyac b<sup>λ</sup> la' pislel mu' b<sup>λ</sup> i q'uel quixtyañu w<sup>λ</sup> ti mulawil.

**4** Pero yom c'otyajetla che' ch'älletla cha'an jini am b<sup>λ</sup> ti la' pusic'al. I c'otyajlel x'ixic mach'λ ba'an mi jilel jiñäch i yutslel yic'ot i ñäch'tyälel i pusic'al. Jiñäch mu' b<sup>λ</sup> i q'uel Dios ti ñuc b<sup>λ</sup> i c'λjnibal.

**5** Chä'λch je'el jini xuc'ul b<sup>λ</sup> x'ixicob ti ñoj oniyix ti' ch'ujbiyob Dios yic'ot ti yäc'λyob i b<sup>λ</sup> ti wen ti' wenta i ñoxi'al. Jiñäch i ch'äljil jini x'ixicob ti ñoj oniyix.

**6** Chä'λch ti' cha'le Sara. Ti' ch'ujbibe i t'an i ñoxi'al Abraham b<sup>λ</sup> i c'aba'. Ti' sube Abraham ti i yum. Jatyetla mi la' wajñel che' bajche' Sara che' mi la' wajñel ti tyoj, che' ma'ix chä'λ b<sup>λ</sup> ch'ujbi i b<sup>λ</sup>c'tisañetla cha'an ti caj tyoj b<sup>λ</sup> la' melbal.

**7** Jatyetla je'el winicob am b<sup>λ</sup> la' wijñam, ajñenla ti tyoj la' wic'ot la' wijñam. Q'uelela ti ñuc. Jiñäch bajche' yom ajniquetla como mach lajal i p'λtyälel x'ixic bajche' winic. Che' je'el junlajal an i cuxyälel x'ixic bajche' ti aq'uentiyetla cha'an ti yutslel Dios. Chä'λch yom mi la' wajñel cha'an ma'ix mi m<sup>λ</sup>cty<sup>λ</sup>ntyel la' woración.

### *I ñus<sup>λ</sup>ntyel wocol cha'an ti caj tyoj b<sup>λ</sup> i cha'libal*

**8** Che' je'el yom junlajal la' pensal. Yom mi la' p'untyan la' b<sup>λ</sup> cha'an la' cotyan la' b<sup>λ</sup>. Yom mi la' p'untyan la' b<sup>λ</sup> che' bajche' la' wijts'in la' b<sup>λ</sup>. Yom utsetla. Yom mi la' wajñel ti pec'.

**9** Mach yom mi la' q'uextyan simaronlel, mi al'eyajic. Mach yom mi la' cha' w<sup>λ</sup>l'en jini mu' b<sup>λ</sup> i y<sup>λ</sup>l'eñetla. Pero yom mi la' w<sup>λ</sup>q'ueñob i yutslel

la' t'an. Como Dios ti' p<sup>λ</sup>y<sup>λ</sup>yetla cha'an mi la'  
w<sup>λ</sup>q'uentyel i yutslel i t'an.

**10** Como ts'ijbibil:

Jini yom b<sup>λ</sup> i yajñel ti c'ajacña i yoj yic'ot yom i  
ñusan q'unin ti i tijicñ<sup>λ</sup>yetl i pusic'al,  
yom i c<sup>λ</sup>n<sup>λ</sup>tyan i yac' cha'an ma'ix mi' cha'len  
mach'<sup>λ</sup> wen b<sup>λ</sup> t'an,  
cha'an mach'an mi' cha'len lot.

**11** Yom i c<sup>λ</sup>ye' i simaronlel. Yom i cha'len wen b<sup>λ</sup>.  
Yom i jop' i yajñel ti ñ<sup>λ</sup>ch'<sup>λ</sup>l yic'ot yaño' b<sup>λ</sup>. Yom i  
bej cha'len wersa cha'an ñ<sup>λ</sup>ch'<sup>λ</sup>l mi yajñel.

**12** Como lac Yum mi' c<sup>λ</sup>n<sup>λ</sup>ty<sup>λ</sup>ben jini tyojo' b<sup>λ</sup>.  
Mi' ñ<sup>λ</sup>ch'ty<sup>λ</sup>ben i yoración.

Pero mi' contrajin jini mu' b<sup>λ</sup> i cha'len mach'<sup>λ</sup> wen,  
che' ts'ijbibil.

**13** Mi chancol la' w<sup>λ</sup>c' la' b<sup>λ</sup> ti melol cha b<sup>λ</sup> wen,  
¿machqui ch'ujbi i ty<sup>λ</sup>c'lañetla mi la' w<sup>λ</sup>l? Mach'an  
majch.

**14** Pero aunque mi la' ñusan wocol cha'an ti caj  
tyoj mi la' wajñel, pero c'ajacña la' woj. Mach yom  
mi la' w<sup>λ</sup>c' la' b<sup>λ</sup> ti b<sup>λ</sup>c'tis<sup>λ</sup>ntyel mi ti juntiquilic  
quixtyañu.

**15** Pero q'uelela ti ñuc Cristo che' bajche' yoque  
la' yum<sup>λ</sup>ch ti la' pusic'al. Yom bej chajp<sup>λ</sup>biletlia  
cha'an la' jaq'ue' che' an majch mi' c'ajtibeñetla i  
sujmlel mu' b<sup>λ</sup> la' pijtyan. Pero jac'<sup>λ</sup>la ti' pec'lel la'  
pusic'al. Q'uelela ti ñuc.

**16** Ajñenla bajche' yom cha'an ma'ix ch<sup>λ</sup> b<sup>λ</sup> mi y<sup>λ</sup>l  
la' pusic'al cha'an mi quejelob ti quisin che' bajche'  
ti' l<sup>λ</sup>lon tyajayetla ti mach'<sup>λ</sup> wen b<sup>λ</sup> t'an cha'an ti  
caj wen b<sup>λ</sup> la' cha'libal como chancol la' ch'ujbin  
Cristo.

**17** Más wen mi la' ñusan wocol mi che' yom Dios, cha'an ti caj wen b<sub>λ</sub> la' cha'libal che' bajche' mi ti la' ñusa<sub>λ</sub> wocol ti caj la' simaronlel.

**18** Como Cristo i bajñel junyajlel jach ti' ñusa<sub>λ</sub> wocol cha'an ti caj lac mul ti lac pejtyelel. Jini tyo<sub>j</sub> b<sub>λ</sub> ti y<sub>λ</sub>c' <sub>λ</sub> i b<sub>λ</sub> ti sajtyel cha'an joñonla ajsimaronlelon b<sub>λ</sub> la cha'an i p<sub>λ</sub>yonla majlel ba'an Dios. Ti ts<sub>λ</sub>ns<sub>λ</sub>anti ti' b<sub>λ</sub>c'tyal pero ti cha' cuxtiyi cha'an ti Ch'u<sub>λ</sub>ul b<sub>λ</sub> i Ch'u<sub>λ</sub>lel.

**19** Ti i ch'u<sub>λ</sub>lel je'el ti majli ti subt'an ya' ba'an jini añob jachix b<sub>λ</sub> i ch'u<sub>λ</sub>lel, jini ajc<sub>λ</sub>cholo' b<sub>λ</sub> yubil.

**20** Jiñ<sub>λ</sub>ch i ch'u<sub>λ</sub>lel jini tsa' b<sub>λ</sub> i ñus<sub>λ</sub>yob t'an ti ñoj oniyix ti yorojlel che' ñac Dios ti' wen cha'le pijt cha'an mi' ch'u<sub>λ</sub>biñob che' ñac ch<sub>λ</sub>ncol tyo i mele' jini colem barco Noé. Ya' ti barco ochojob jach ti coty<sub>λ</sub>ntiyob ti ja'.

**21** Jini ja' jiñ<sub>λ</sub>ch i señ<sub>λ</sub>lel ch'<sub>λ</sub>m ja' mu' b<sub>λ</sub> i cotyañonla wale iliyi. Mach cha'anic mi' poc loq'uel laj cujquil jini ch'<sub>λ</sub>m ja', pero mi' p<sub>λ</sub>se' ti tyo<sub>j</sub>lel Dios cha'an mach'an ch<sub>λ</sub> b<sub>λ</sub> mi y<sub>λ</sub>l lac pusic'al. Mi' cotyañonla che' mi lac ch'u<sub>λ</sub>bin cha'an tsa'ix tyejchi loq'uel Jesucristo ba'an sajtyemo' b<sub>λ</sub>.

**22** Ti letsi majlel ti panchan. Ya'an ti' ñoj Dios cha'an tsiquil ñoj an i ñuclel. Ajtroñelob i cha'an Dios año' b<sub>λ</sub> ti panchan yic'ot año' b<sub>λ</sub> ye'tyel ti panchan yic'ot año' b<sub>λ</sub> i p'<sub>λ</sub>ty<sub>λ</sub>lel mi' lu' yumiñob Jesucristo.

## 4

### *Cha'lenla cotyaya*

**1** Jin cha'an ch<sub>λ</sub>'<sub>λ</sub>ch bajche' ti' ñusa<sub>λ</sub> wocol Cristo ti' b<sub>λ</sub>c'tyal ch<sub>λ</sub>'<sub>λ</sub>ch yom chajp<sub>λ</sub>bil la' pusic'al la'

ñusan wocol je'el. Jini tsa'ix b<sub>A</sub> i ñus<sub>A</sub> wocol ti i b<sub>A</sub>c'tyal tsa'ix i c<sub>A</sub>y<sub>A</sub> mulil

**2** cha'an i bej yajñel che' bajche' yom Dios che' w<sub>A</sub>' tyo an ti mulawil. Mach yom i bej mel ch<sub>A</sub> b<sub>A</sub> yom i bajñel pusic'al.

**3** Jas<sub>A</sub>lix jini q'uin tyac tsa' b<sub>A</sub> la' c'<sub>A</sub>ñ<sub>A</sub> ti melol mach'<sub>A</sub> wen mu' b<sub>A</sub> i mulan i melob jini mach'<sub>A</sub> ba'an mi' c<sub>A</sub>ñob Dios. Ti jim b<sub>A</sub> ora ti la' cha'le ch<sub>A</sub> b<sub>A</sub> yom tsucul b<sub>A</sub> la' pusic'al. Wersa la' wom la' cha'len mach'<sub>A</sub> wen. Xq'uixnijeletla. Ti la' cha'le cab<sub>A</sub> l q'uiñejel tyac, yic'ot cab<sub>A</sub> l q'uiixnijel tyac. Ti la' cha'le tic'bil b<sub>A</sub> quisintic b<sub>A</sub> i yumintyel dios tye' tyac.

**4** Tyoj b<sub>A</sub>c'ñ<sub>A</sub>jelob mi' q'uelob che' ma'ix mi la' bej ts<sub>A</sub>cleñob ti i simaronlelob. Jin cha'an mi' tyajetla ti mach'<sub>A</sub> wen b<sub>A</sub> t'an.

**5** Pero mu' tyo quej i mel i b<sub>A</sub> ti' tyojlel Dios jini chajp<sub>A</sub>bil b<sub>A</sub> i mele' cuxulo' b<sub>A</sub> yic'ot tsa'ix b<sub>A</sub> sajtiyob.

**6** Ti subentiyob i t'an Dios jini tsa'ix b<sub>A</sub> sajtiyob. Aunque ti sajtiyob che' bajche' mi yuptyel yic'ot pejtyelet quixtyañujob w<sub>A</sub>' ti mulawil, pero cuxul mi quej i yajñel ti i ch'ujlel che' bajche' cuxul Dios.

**7** Ch<sub>A</sub>ncol i l<sub>A</sub>c'tiyel i jilibal ti pejtyelet ch<sub>A</sub> b<sub>A</sub> an. Jin cha'an yom mi la' wen ña'tyan pañimil. Ac'<sub>A</sub> la' b<sub>A</sub> ti oración ti pejtyelet la' pusic'al.

**8** Jini más yom b<sub>A</sub> jiñ<sub>A</sub>ch cha'an yom mi la' wen p'untyan la' b<sub>A</sub> como cha'an ti la' p'untyaya mi la' ñus<sub>A</sub>beñob cab<sub>A</sub> l i mulob.

**9** P<sub>A</sub>y<sub>A</sub>la ochel ti la' wotyot jini ñumel jach b<sub>A</sub> muc'ob la' pi'lob. Aq'uenla ch<sub>A</sub> b<sub>A</sub> yom ti ñ<sub>A</sub>ch'ty<sub>A</sub>lel la' pusic'al.

**10** Ti jujuntiquiletla yom mi la' c'ân la' c'âjnibal jiñach bajche' ti yâq'ueyetla Dios cha'an mi la' cotyan la' bâ cha'an mi la' c'ân ti wen ti chajp ti chajp la' c'âjnibal tsa' bâ i yâq'uetla Dios ti yutslel.

**11** Majchqui jach mi' cha'len t'an, la' i cha'len t'an bajche' yom cha'an i t'añach Dios. Majchqui jach mu' bâ i cotyan i pi'âlob yom i cotyan ti' p'âtyâlel mu' bâ i yâq'uentyel ti Dios. Ti pejtyelet mu' bâ i cha'len yom mi' cha'len cha'an mi' subentyel i ñucel Dios cha'an ti Jesucristo. La' sujbic i ñucel yic'ot i p'âtyâlel cha'an ti bele' ora. Amén.

*I ñusântyel wocol cha'an châncol lac ch'ujbin  
Cristo*

**12** P'untyâbil bâ hermañujob, mach yom tyojbâc'ñâjeletla cha'an ti caj jini ñoj tsâts bâ la' wilpusic'lentyel che' bajche' mi la' wilan mach bâ yom ujtic ti q'uelol.

**13** Pero tijicnisan la' bâ cha'an châncol la' ñusan wocol je'el che' bajche' ti' ñusâ Cristo cha'an wen c'ajacña la' woj che' mi la' wilan i ñucel che' mi cha'tyâlel.

**14** Che' mi la' wajlentyel cha'an ti caj Cristo, c'ajacña la' woj mi la' wubin como jini Ch'ujul bâ i Ch'ujlel Dios am bâ i ñucel an la' wic'ot. Jini mu' bâ i wajleñetla mi' tyajob Dios ti mach'â wen bâ t'an, pero jatyetla mi la' tsictisan i ñucel.

**15** Mi ti la' ñusâ wocol, mach yom an la' mul cha'an ti caj tsânsa, mi ti caj xujch' mi ti caj ti la' ñusâ mandar mi ti caj ti la' wotsâ la' bâ ba' mach la' wentajic.

**16** Pero mi an majch mi' ñusan wocol cha'an ti caj i cha'an Cristo, mach yom quisintic mi yubin, pero yom mi' sub i ñucel Dios como i cha'añch.

**17** Como i yorojlelix mi quej i melob i bΛ i cha'año' bΛ Dios. Mi ñaxan mi' melonla, ¿bajche' mi quej i yuptyel yic'ot jini mach'Λ ba'an mi' ch'ujbibeñob i t'an Dios?

**18** Mi wocol mi' tyajob i cotyantityel jini tyojo' bΛ, ¿bajche'qui mi yuptyel jini simaroño' bΛ yic'ot xmulilob, ma' wΛl?

**19** Jini mu' bΛ i ñusan wocol jiñach bajche' yom Dios. Yom mi' bej cha'len wen bΛ. Yom i yΛc' i bΛ ti' wenta Dios tsa' bΛ i mele como xuc'ulach Dios.

## 5

### *Ajcañtya i cha'an ocheme' bΛ ti' t'an Dios*

**1** Wale mic suben ancianojob ya' ba' añetla mu' bΛ la' much'quin la' bΛ como ancianojon je'el che' bajche'etla. Ti quila bajche' ti' ñusañ wocol Cristo. Joñon je'el, mi quej cΛq'uentyel c ñucel mu' bΛ quej i tsictiyel ti wi'il.

**2** CΛñtyañob i cha'año' bΛ Dios che' bajche' tiñame'ob i cha'an am bΛ ti la' wenta. CΛñtyanla, pero cha'an che' yom la' pusic'al, mach cha'anic xiq'uiletla. Mach yom mi la' cΛñtyan cha'an jach la' wom la' ganarin tyaq'uin. Pero cha'lenla la' troñel ti pejtyelel la' pusic'al.

**3** Mach yom mi la' xic'ob jini mu' bΛ la' cΛñtyan che' bajche' mi i yumetha. Pasala ti la' cha'libal bajche' yom mi' melob ti wen bΛ pasoñel.

**4** Che' jini, che' mi tsictiyel jini ñuc bΛ Ajcañtya Tiñame' mi quej la' wΛq'uentyel wen bΛ la' ma-jtyan mach'Λ yujil jilel. Mach che'ic bajche' jini

corona melel jach b<sub>Λ</sub> ti yopol tye' mu' b<sub>Λ</sub> i jilel ba-jche' jini mu' b<sub>Λ</sub> i y<sub>Λ</sub>q'uentyelob x' alasob ti oniyix.

<sup>5</sup> Ch<sub>Λ</sub>'<sub>Λ</sub>ch je'el alobel b<sub>Λ</sub> la, ac'<sub>Λ</sub> la' b<sub>Λ</sub> ti' wenta jini ancianojob. Yom mi la' lu' ac' la' b<sub>Λ</sub> ti' wenta la' pi'<sub>Λ</sub>lob ti i pec'lel la' pusic'al como:

Dios mi' contrajin jini mu' b<sub>Λ</sub> i chan isan i b<sub>Λ</sub> ti' tyojlel i pi'<sub>Λ</sub>lob,

pero mi' cotyan ti i yutslel jini mu' b<sub>Λ</sub> i ju'san i pusic'al.

<sup>6</sup> Jin cha'an ju'san la' b<sub>Λ</sub> ti' tyojlel Dios am b<sub>Λ</sub> i p'<sub>Λ</sub>ty<sub>Λ</sub>lel cha'an Dios mi quej i y<sub>Λ</sub>q'ueñetla la' ñucel che' ti yorojlel.

<sup>7</sup> Aq'uenla ti' wenta Dios ti pejtyelet la' pensal tyac como Dios mi' bej pensalin i cotyañetla.

<sup>8</sup> Yom bej xuc'uletla. Yom bej p'ixiletla yubil como jini la' contra, jini xiba, mu' ti pam x<sub>Λ</sub>mbal ñumel che' bajche' colem bajl<sub>Λ</sub>m ch<sub>Λ</sub>ncol b<sub>Λ</sub> ti c<sub>Λ</sub>r<sub>Λ</sub>c<sub>Λ</sub>yel ñumel. Mi' saclan majchqui ch'ujbi i jisan.

<sup>9</sup> P<sub>Λ</sub>s<sub>Λ</sub> la' b<sub>Λ</sub> ti' contra xiba. Yom xuc'uletla ti jini mu' b<sub>Λ</sub> la' ch'ujbin. Ña'tyanla cha'an lajal mi' ñusan wocol ti pejtyelet la' wermañujob ti pejtyelet mulawil.

<sup>10</sup> Pero che' tsa'ix la' poj ñus<sub>Λ</sub> wocol, Dios mi quej i ts'<sub>Λ</sub>ctisan i xuc'ty<sub>Λ</sub>lel la' pusic'al. Mi' p'<sub>Λ</sub>ty<sub>Λ</sub>lisañetla. Mi' xuc'chocoñetla cha'an mach'an mi la' nijc<sub>Λ</sub>yel. Jiñ<sub>Λ</sub>ch jini Dios mu' b<sub>Λ</sub> i y<sub>Λ</sub>q'ueñonla ti pejtyelet ch<sub>Λ</sub> b<sub>Λ</sub> wen. Ti' p<sub>Λ</sub>ay<sub>Λ</sub>yonla cha'an mi lac tyem ch'<sub>Λ</sub>m i ñucel mach'<sub>Λ</sub> ba'an mi jilel che' añonla yic'ot Jesucristo.

<sup>11</sup> An i ñucel yic'ot i p'<sub>Λ</sub>ty<sub>Λ</sub>lel ti bele' ora. Amén.

*Cojix b<sub>Λ</sub> saludo tyac*

**12** Silvano mu' b<sub>Δ</sub> j q'uel ti xuc'ul b<sub>Δ</sub> hermano ti' coty<sub>Δ</sub>yon c ts'ijbubeñetla ili saj jun ba' tic ts'ijbubeyetla cha'an mi la' más c<sub>Δ</sub>ñe' Dios mu' b<sub>Δ</sub> i p'untyañetla. Mi tsictiyel cha'an ti cab<sub>Δ</sub>l wen tyac b<sub>Δ</sub> tsa' b<sub>Δ</sub> aq'uentyietla. Bej ajñenla ti ili t'an ch<sub>Δ</sub>ncol b<sub>Δ</sub> la' ch'ujbin.

**13** Jini ochemo' b<sub>Δ</sub> mu' i much'quiñob i b<sub>Δ</sub> ya' ti Babilonia mi' chocbeñetla ty<sub>Δ</sub>lel saludos. Yajc<sub>Δ</sub>bilo' b<sub>Δ</sub> ti Dios lajal bajche' yajc<sub>Δ</sub>biletla je'el. Marcos, jini calobil b<sub>Δ</sub> yubil, mi' chocbeñetla ty<sub>Δ</sub>lel saludos je'el.

**14** Wen aq'uen la' b<sub>Δ</sub> saludos che' bajche' i ty<sub>Δ</sub>lel mi la' cha'len ti p'untyaya. La' ajnic la' wic'ot i ñ<sub>Δ</sub>ch'ty<sub>Δ</sub>lel la' pusic'al ti pejtyeleletla i cha'añet b<sub>Δ</sub> la Jesucristo. Amén.

**JINI WEN BA T'AN  
The New Testament and portions of the Old Testament  
in the Tila dialect of the Chol language of Mexico  
La Santa Biblia en el Chol de Tila**

copyright © 2008 La Liga Bíblica

Language: Chol de Tila (Chol)

Dialect: Tila

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-06-08

---

PDF generated using Haiola and XeLaTeX on 11 Nov 2022 from source files  
dated 22 Nov 2019

bc403b33-5815-586a-ab64-716de5d20d17